

5.1. As medicións continuas efectuadas consonte o punto 2 incluírán os parámetros pertinentes do proceso de explotación relativos ao contido de oxíxeno, a temperatura, a presión e o contido de vapor de auga dos gases residuais de combustión. A medición continua do contido de vapor de auga non será necesaria, sempre que a mostra do gas residual de combustión secase antes de que se analicen as emisións, nin cando se poida demostrar que a estimación daquel por cálculo a partir dos combustibles utilizados e as condicións de operación teña a precisión adecuada.

5.2 As medicións representativas, por exemplo mostraxes e análises, dos contaminantes pertinentes e os parámetros do proceso, así como os métodos de medición de referencia para calibrar os sistemas de medición automáticos, levaranse a cabo consonte as normas CEN tan pronto como se dispoña delas. En caso de non se dispor de normas CEN, aplicaranse as normas ISO ou outras normas nacionais ou internacionais que garantan a obtención de datos de calidade científica equivalente.

5.3 Os sistemas de medición continua estarán suxeitos a control por medio de medicións paralelas cos métodos de referencia, polo menos unha vez ao ano.

6.1 Os valores dos intervalos de confianza do 95% dun único resultado medido non excederán as seguintes porcentaxes dos valores límite de emisión:

Dióxido de xofre 20%.
Óxidos de nitróxeno 20%.
Partículas 30%.

6.2 Os valores medios validados horarios e diarios determinaranse a partir dos valores medios por hora válidos, medidos unha vez subtraído o valor do intervalo de confianza especificado anteriormente.

6.3 Invalidaranse os días en que máis de tres valores medios horarios sexan inválidos debido ao mal funcionamento ou mantemento do sistema de medición continua. Se por estes motivos se invalidan máis de dez días ao ano, a Administración competente exixiralle ao titular que adopte as medidas necesarias para mellorar a fiabilidade do sistema de control continuo.

B) Determinación do total anual de emisións das instalacións de combustión.

1. Ata o ano 2003, inclusive, informarase a Administración competente, e en calquera caso a Administración xeral do Estado, da determinación dos totais anuais de emisións de SO₂ e NO_x para as novas instalacións de combustión. Cando se proceda a un control continuo, o titular da instalación de combustión engadirá, por separado para cada axente contaminante, a masa del emitida cada día, de acordo cos índices do caudal volumétrico dos gases residuais. En caso de que non se realice un control continuo, o titular realizará a estimación dos totais anuais de emisións consonte o disposto no punto A.1 deste anexo, de acordo co que establece a Administración competente.

2. A Administración xeral do Estado comunicarlle á Comisión Europea o total anual das emisións de SO₂ e NO_x das novas instalacións, ao mesmo tempo que a comunicación establecida consonte o punto C.3 deste anexo relativa ás emisións anuais totais das instalacións existentes.

3. A partir do ano 2004 e para cada ano posterior, a Administración xeral do Estado establecerá un inventario das emisións de SO₂, NO_x e partículas procedentes de todas as instalacións de combustión cunha potencia térmica nominal igual ou superior a 50 MW. Dentro dos dous primeiros meses de cada ano natural, o titular da instalación informaraa dos datos seguintes relativos ao ano natural anterior:

a) As emisións totais anuais (en t/ano) de SO₂, NO_x e partículas (como partículas totais en suspensión).

b) O consumo total anual de enerxía, en función do poder calorífico neto, clasificado en cinco categorías de combustible: biomasa, outros combustibles sólidos, combustibles líquidos, gas natural e outros gases.

4. Cada tres anos, a Administración xeral do Estado comunicarlle á Comisión Europea un resumo dos resultados deste inventario, presentando por separado as emisións das refinarías. Este resumo deberase presentar dentro dos doce meses seguintes á fin do período de tres anos que se tome en consideración.

5. A partir do 1 de xaneiro de 2008, a Administración xeral do Estado informará anualmente a Comisión Europea das instalacións existentes declaradas aptas en virtude do punto 4 do artigo 5, xunto co balance das horas utilizadas e non utilizadas autorizadas para o resto da vida operativa útil das instalacións.

C) Determinación do total anual de emisións das instalacións existentes ata o ano 2003 inclusive.

1. A Administración xeral do Estado establecerá, a partir de 1990 e para cada ano posterior ata o 2003 inclusive, un inventario completo de emisións de SO₂ e de NO_x procedentes das instalacións existentes:

Instalación por instalación no caso das instalacións dunha potencia térmica superior a 300 MW e das refinarías.

Un inventario xeral para as demais instalacións de combustión ás que aplique o capítulo II e anexos deste real decreto.

2. O método utilizado para a realización dos devanditos inventarios deberase axustar ao utilizado en 1980 para determinar as emisións de SO₂ e NO_x das instalacións de combustión.

3. Os resultados do devandito inventario, debidamente recompilados, seranlle comunicados pola Administración xeral do Estado á Comisión Europea nos nove meses seguintes ao final do ano de que se trate.

XEFATURA DO ESTADO

5285 *CORRECCIÓN de erros da Lei 61/2003, do 30 de decembro, de orzamentos xerais do Estado para o ano 2004. («BOE» 72, do 24-3-2004.)*

Advertidos erros na Lei 61/2003, do 30 de decembro, de orzamentos xerais do Estado para o ano 2004, publicada no «Boletín Oficial del Estado», suplemento número 2 en lingua galega, do 16 de xaneiro de 2004, procédese a efectuar as oportunas rectificacións:

Na páxina 409, artigo 10, punto un, primeira columna, onde di: ... «5. Autoriza-las xeracións de crédito a que se refire a disposición adicional vixésimo primeira bis desta lei»; debe dicir: «5. Autoriza-las xeracións de crédito a que se refire a disposición adicional vixésimo segunda desta lei».

Na mesma páxina, artigo 10, punto catro, primeira columna, onde di: ... «1. Autorizar ... a que se refire a disposición adicional vixésima desta lei.»; debe dicir: «1. Autorizar ... a que se refire a disposición adicional vixésimo primeira desta lei.»

Na mesma páxina, artigo e punto, onde di: ... «2. Autorizar ... previstas na disposición adicional vixésimo segunda desta lei.»; debe dicir: «2. Autorizar ... previstas na disposición adicional vixésimo cuarta desta lei.»